

# Nunatta Qitornai

## Inatsisartuni



25. oktober 2018

UKA2018/155

**Kalaallit Nunaanni ilisimatusarnernut tamanut ataatsimut qarasaasiami paassisutissanik katersivimmik pilersitsinissamik periarfissat misissorneqarnissaat pillugu Naalakkersuisut peqquneqarnissaannik Inatsisartuni aalajangiiffigisassatut siunnersuut.**

(Aleqa Hammond, Nunatta Qitornai)

Mimi Karlsen IA-meersoq ilisimatusarnikkut paassisutissanik katersivimmik pilersitsisinnaanissamik periarfissanik misissueqqusivoq.

Siunnersuuteqartup tunngavilersuutigai ilisimatusarnerit aammalu allaaserisarpassuit assigiingitsuni siammaseqisumi nassaarineqarsinnaasarneri ujarlernerujussuarmik nassataqarsinnaasarneranik.

Ukiuni kingullermik nunarput pillugu aammalu silaannaap allanngoriartornerata kinguneri pillugit nunanit allanit taama soqtigineqaleriartornera annertutigaaq, minnerungitsumik aamma ilisimatusarnikkut suliat annertuserujussuarnerat takuneqarsinnaavoq.

Inuaqatigiittut kinguneri, inooriaatsip allanngoriartornera, peqqissutsikkut inooriaaseq, uumasut ingerlaartarnerisa pissusaata allanngoriartornerat, aalisakkat allat takkukkiartortut, sermip pissusaa allarpassuillu allaaserineqartut amerlalluinnarput.

Avataaneersut ilsimatusarsimanerminni inernerri nunatsinnut iluaqtissanngorlugit qulakkeer-neqartariaqarput, maani ilisimatusarnerit tamanit atuariaannanngorlugit atorneqartariaqarput aammalu paassisutissat tamanit iluaqtinngorlugit eriagaluit tamanit nuannaarutissanngorlugit pis-sarsiarilertortarsinnaaneranik aaqqissuussineq pisariaqarpoq.

Siunnersuuteqartoq misissueqqusivoq. Isumaqpugut misissueqqusinani allaalluunniit pilersit-seqqusinermik suliakkiisimasinnaagaluarpooq. Taamaattoq naalakkersuisut sulianut ingerlare-ersunut siunnerfinnullu ingerlareersunut naapertuunneraanertik tunngavilersuutigalugu inassutigi-neqarpoq siunnersuut taperserneqassasoq aammalu pilersitsinissamik periarfissamik misissuineq ingerlakkumangitsik.

Taamatut oqaaseqarluta isumaqpugut siunnersuut taama isikkoqarluni akuersissutigineqassasoq.